

**- SENAT -**

Broj: 01-14-19/25

Sarajevo, 26. 11. 2025. godine

Na osnovu člana 61, a u vezi sa članom 56. stav (1) Zakona o visokom obrazovanju („Službene novine Kantona Sarajevo“, broj 36/22 i 28/25), člana 64. stav (1) tačka b), a u vezi sa članom 287. Statuta Univerziteta u Sarajevu, Mišljenjem Odbora za normativna pitanja Univerziteta u Sarajevu, broj: 0105-9482-1-2/25 od 06. 11. 2025. godine, uz prethodno Mišljenje Upravnog odbora Univerziteta u Sarajevu, broj: 02-29-6/25 od 10. 11. 2025. godine i Saglasnost Ministarstva za nauku, visoko obrazovanje i mlade Kantona Sarajevo, broj: 27/03-02-53343-1/25 od 13. 11. 2025. godine, Senat Univerziteta u Sarajevu je na 13. redovnoj sjednici održanoj 26. 11. 2025. godine, *donio*

ODLUKU**O IZMJENAMA STATUTA UNIVERZITETA U SARAJEVU****I**

Donose se izmjene Statuta Univerziteta u Sarajevu, broj: 01-14-35-1/23 od 26. 07. 2023. godine sa pripadajućim Izmjenama i dopunama Statuta Univerziteta u Sarajevu, broj: 01-13-121-1/24 od 17. 07. 2024. godine (dalje: Statut), kako slijedi:

- a) U članu 8. Statuta (Znak Univerziteta u Sarajevu), stav (1) koji glasi:

„(1) Univerzitet ima svoj znak okruglog oblika koji ima dva koncentrična kruga. U prvom, vanjskom krugu je tekst UNIVERSITAS STUDIORUM SARAIEVOENSIS.“

mijenja se i glasi:

“(1) Univerzitet ima svoj znak okruglog oblika koji ima dva koncentrična kruga. U prvom, vanjskom krugu je tekst UNIVERSITAS STUDIORUM SARAIEVOENSIS i UNIVERZITET U SARAJEVU, a u središnjem dijelu amblem Univerziteta – stilizirano pročelje zgrade Univerziteta.”

- b) U članu 8. Statuta stav (2) se briše, a stavovi (3), (4), (5), (6) i (7) postaju članovi (2), (3), (4), (5) i (6).

II

Odluka o izmjenama Statuta Univerziteta u Sarajevu stupa na snagu osmog dana od dana objave na internet stranici Univerziteta u Sarajevu.

Obrazloženje

Članom 8. Statuta Univerziteta u Sarajevu definiran je znak Univerziteta kao vizuelni identitet Univerziteta u Sarajevu. Nakon što je Senat Univerziteta u Sarajevu na 10. redovnoj sjednici održanoj

16. 07. 2025. godine, po prijedlogu Komisije za izradu grafičkih standarda Univerziteta u Sarajevu, usvojio Knjigu grafičkih standarda Univerziteta u Sarajevu, utvrđeno je novo, redizajnirano rješenje znaka Univerziteta.

Budući da je usvojeni znak Univerziteta sastavni dio Knjige grafičkih standarda Univerziteta i da će se primjenjivati i na diplomama koje izdaje Univerzitet u Sarajevu, istovremeno se vrši usklađivanje odredbe člana 8. Statuta Univerziteta u Sarajevu sa ovim rješenjem.

Imajući u vidu navedeno, a u cilju usklađivanja Statuta Univerziteta u Sarajevu sa Knjigom grafičkih standarda Univerziteta u Sarajevu, donesena je Odluka kako je navedeno u dispozitivu.

REKTOR

Prof. dr. Tarik Zaimović



Dostaviti:

- Ministarstvu za nauku, visoko obrazovanje i mlade Kantona Sarajevo
- Internet stranica Univerziteta u Sarajevu
- U dokumentaciju Senata
- Arhivi